

OKVIRNI SPORAZUM

o pružanju usluga iznajmljivanja prostora za smještaj repetitora i linkovskih uređaja sa pripadajućom opremom i održavanja radio komunikacijske i informacijske opreme

I SPORAZUMNE STRANE

1. **KANTONALNA UPRAVE CIVILNE ZAŠTITE KANTONA SARAJEVO**, ul. Fehima ef. Čurčića br. 1., Sarajevo, koju zastupa direktor, Dženan Brkanić, ID broj: 4200665390008 (u daljnjem tekstu: **Naručilac**), i
2. **MIBO Komunikacije d.o.o.** Sarajevo, ul. Tvornička br. 3., 71210 Ilidža - Sarajevo, kojeg zastupa direktor, Marko Boštjančić, ID broj: 4200470540005 (u daljnjem tekstu: **Izvršilac**),

U daljnjem tekstu Okvirnog sporazuma, kada se Naručilac i Izvršilac navode zajednički, tj. zbirno, tada su označeni kao „**Sporazumne strane**“.

II OSNOV ZA ZAKLJUČENJE OKVIRNOG SPORAZUMA

Osnov za zaključenje ovog Okvirnog sporazuma je Odluka o izboru najpovoljnijeg ponuđača, Naručioca broj: 06-11-388-8/24 od 30.04.2024. godine.

III PREDMET OKVIRNOG SPORAZUMA

Član 1.

Predmet ovog Okvirnog sporazuma je nabavka usluga iznajmljivanja prostora za smještaj repetitora i linkovskih uređaja sa pripadajućom opremom i održavanja radio komunikacijske i informacijske opreme za potrebe Kantonalne uprave civilne zaštite Kantona Sarajevo, prema Tehničkim specifikacijama, koje su navedene u Tenderskoj dokumentaciji za nabavku usluga Naručioca, broj: 06-11-388-2/24 od 08.04.2024. godine i Izmjeni Tenderske dokumentacije, broj: 06-11-388-4/24 od 12.04.2024. godine kao i u Ponudi Izvršioca, br. PON-779/24 od 29.04.2024. godine, koje čine sastavni dio ovog Okvirnog sporazuma.

Okvirni sporazum se zaključuje na period od 4 (četiri) godine, a primjenjivat će se od 01.07.2024. godine do 30.06.2028. godine.

Sporazumne strane će prema okvirnom sporazumu, tokom cijelog perioda na koji je isti zaključen, zaključiti pojedinačne ugovore za usluge za koje je proveden predmetni otvoreni postupak nabavke.

Član 2.

Izvršilac se obavezuje da će usluge navedene u članu 1. ovog Okvirnog sporazuma, pružati u svemu prema uslovima postavljenim u Tehničkim specifikacijama Naručioca i svoj Ponudi br. PON-779/24 od 29.04.2024. godine, koja čini sastavni dio Okvirnog sporazuma, kao i u skladu sa važećim sa tehničkim propisima, pravilima i standardima.

IV CIJENA I NAČIN PLAĆANJA

Član 3.

Ukupna vrijednost ovog okvirnog sporazuma bez PDV-a iznosi: 139.200,00 KM (slovima: stotintridesetdevehiljadadvijestotine KM) bez uračunatog PDV-a.

PDV na ukupnu vrijednost robe iz stava (1) ovog člana iznosi 23.664,00 KM (slovima: dvadesettrihiljadešeststotinašezdesetčetiri KM).

Ukupna vrijednost ugovorene robe sa PDV-om iznosi 162.864,00 KM (slovima: stotinušezdesetdvijehiljadeosamstotinašezdesetčetiri KM).

Cijena za usluge navedene u članu 1. ovog Okvirnog sporazuma je fiksna i ne podliježe nikakvim promjenama za vrijeme trajanja Okvirnog sporazuma.

Član 4.

Sporazumne strane su saglasne da će Naručilac predmetne usluge u skladu sa Ponudom Izvršioca, platiti na račun Izvršioca broj: 1994990000292762 otvoren kod Sparkasse bank d.d., i to plaćanjem u jednakim mjesečnim ratama putem faktura u roku od 10 (deset) dana od dana dostave faktura Naručiocu.

Izvršilac je saglasan da Naručiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje, a Izvršilac primio uplatu s odgodom od jednog ili više dana od ugovorenog roka iz stava 1. ovog člana.

V OBAVEZE IZVRŠIOCA I NARUČIOCA

Član 5.

Izvršilac se obavezuje:

- da će predmetne usluge pružati savjesno, u skladu sa kvalitetom zahtijevanim Tehničkim specifikacijama Naručioca i važećim zakonskim propisima, normativima i standardima za ovu vrstu usluga;
- da će radio repetitori motorola SLR5500 sa pripadajućom opremom biti kontinuirano napajani sa električnom energijom i to putem postojeće elektroenergetske mreže ili rezervnim napajanjem putem akumulatorske baterije;
- da će uz predhodnu najavu i u dogovorenom terminu omogućiti ovlaštenim licima Naručioca, pristup opremi koja je smještena na radio relejnim (RR) objektima Bjelašnica, Orlić i Bosut;
- da će odmah obavijestiti Naručioca ako dođe do eventualne štete prouzrokovane ratom, prirodnim i drugim nesrećama na opremi ili do otuđenja bilo kojeg dijela opreme koja je smještena na radio relejnim (RR) objektima Bjelašnica, Orlić, Bosut, Ormanj i Paljevo;
- da će u servisu osigurati stalno dežurstvo 24 sata dnevno, 365 dana u godini (24/7/365) za prijavu kvara i na vrijeme dostaviti Kantonalnom operativnom centru civilne zaštite i Dispečerskom centru PVJ Kantonalne uprave civilne zaštite Kantona Sarajevo kontakt telefon i e-mail adresu dežurnog servisera;
- da će njegov servis u vremenskom periodu od najviše dva sata od vremena prijave kvara od strane ovlaštenih lica Naručioca izaći na teren i pristupiti otklanjanju kvara na opremi koja je navedena u Tehničkim specifikacijama Naručioca u toku trajanja ovog Okvirnog sporazuma;

- da će u toku trajanja ovog Okvirnog sporazuma svaki kvar na opremi koja je navedena u Tehničkim specifikacijama Naručioca otkloniti u najkraćem mogućem roku;
- da će za svaku intervenciju i obavljeni servis (u preventivnom i interventnom održavanju) obavezno sačiniti odgovarajući zapisnik i dostaviti ga Naručiocu;
- da će u toku trajanja ovog Okvirnog sporazuma uvijek na zalihama imati određen broj zamjenske opreme i rezervnih dijelova;
- da će u skladu sa članom 4. ovog Okvirnog sporazuma i sklopljenim pojedinačnim ugovorima dostaviti Naručiocu fakture na plaćanje;
- da će odmah obavijestiti Naručioca ako dođe do veće štete na opremi koja je navedena u Tehničkim specifikacijama Naručioca za čiji popravak ili zamjenu su potrebna dodatna finansijska sredstva.

Član 6.

Naručilac se obavezuje:

- da će u slučaju da se predmetne usluge ne vrše u skladu sa odredbama ovog Okvirnog sporazuma, o tome pismeno obavijesti Izvršioca;
- da će ukoliko ima potrebu pristupa svojoj opremi koja je smještena na radio relejnim (RR) objektima Bjelašnica, Orlić i Bosut, istu blagovremeno najaviti Izvršiocu usmeno, putem telefona na broj 033/779-333; 033/779-300 ili pismeno putem faksa na broj 033/627-531 ili putem elektronske pošte na e-mail. prodaja@mibo.ba;
- da će Izvršiocu dostaviti kontakt telefone i e-mail adrese dežurnih operativaca-dispečera u Kantonalnom operativnom centru civilne zaštite i Dispečerskom centru PVJ Kantonalne uprave civilne zaštite Kantona Sarajevo;
- da će vršiti uplate na osnovu pojedinačnih ugovora i dostavljenih faktura za usluge iz člana 1., na način i u roku utvrđenom u članu 4. ovog Okvirnog sporazuma.

Član 7.

Sporazumne strane su saglasne, da nijedna od njih neće snositi nikakvu odgovornost, niti troškove za eventualnu štetu pričinjenu ratom, prirodnim i drugim nesrećama koje nisu uslovljene ili izazvane njihovom krivnjom na opremi koja je smještena na radio relejnim (RR) objektima Bjelašnica, Orlić, Bosut, Ormanj i Paljevo, niti za bilo kakvu štetu na navedenoj opremi, uzrokovanu događajima i okolnostima na koje sporazumne strane nisu imali nikakav uticaj.

VI IZMJENA ODREDBI OKVIRNOG SPORAZUMA I NJEGOVI RASKID

Član 8.

Izmjene i dopune ovog Okvirnog sporazuma mogu se vršiti isključivo u formi aneksa uz pismenu saglasnost obje sporazumne strane, koji kao takav će činiti sastavni dio ovog Okvirnog sporazuma.

Član 9.

Ovaj Okvirni sporazum može se raskinuti sporazumno ili po zahtjevu jedne od sporazumnih strana, ako su nastali bitni razlozi za raskid Okvirnog sporazuma.

Član 10.

Ako dođe do sporazumnog raskida ovog Okvirnog sporazuma, sporazumne strane sporazumno o raskidu utvrđuju prava i obaveze koje proističu iz raskida Okvirnog sporazuma.

Obavještenje o jednostranom raskidu ovog Okvirnog sporazuma mora se dostaviti drugoj sporazumnoj strani isključivo u pismenom obliku najmanje 30 dana unaprijed i obavezno navesti po kom osnovu se raskida Okvirni sporazum.

VII PRELAZNE I ZAVRŠNE ODREDBE

Član 11.

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 12.

Na sva pitanja koja nisu regulisana ovim Okvirnim sporazumom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 13.

Sporazumne strane su saglasne da će sve nesuglasice i sporove, koji eventualno mogu da proisteknu iz ovog Okvirnog sporazuma, prvenstveno nastojati riješiti sporazumno, a ukoliko, iz ma kog razloga, to ne budu moguće, nadležan je Općinski sud u Sarajevu.

Član 14.


Ovaj Okvirni sporazum stupa na snagu danom njegovog potpisivanja od strane ovlaštenih predstavnika Naručioca i Izvršioca i isti će se primjenjivati do izvršenja svih pojedinačnih obaveza predviđenih ovim Okvirnim sporazumom.

Član 15.

Okvirni sporazum je sačinjen u 6 (šest) istovjetna primjerka, od kojih svaka od sporazumnih strana zadržava po 3 (tri) potpisana i ovjerena primjerka.



Broj: 02-031/24
Sarajevo, 06. 2024. godine



NARUČIOCI

Broj: 06-11-388-14/24
Sarajevo, 12. 05. 2024. godine